









此書敢說起不用冒

識見高邁筆意清婉

大情縱筆極瀟灑變態之

妙此豈俗人胸際可及

以孔門之徒此已與歐梅此意最高

論空中發此高

上梅直講書

每讀詩至鴟鴞讀書至君真嘗竊悲周公之不遇及見孔子厄于陳蔡之間而弦歌之聲不絕顏淵仲繇之徒相與答問夫子曰匪兕匪虎率彼曠野吾道非耶又何為至此顏淵曰夫子之道至大故天下莫能容雖然不容何病不容然後見君子夫子油然而笑曰回使爾多財吾為爾宰夫天下雖不能容而其徒自足以相樂如此乃今知周公之富貴有不如夫子之貧賤夫以召公之賢以管蔡之親而不知其心則周公誰與樂其富貴而夫子之所與共貧賤者皆天



古人作書不  
虛美曲譽如  
此

嘉祐間歐陽  
公知貢舉梅

聖俞作參詳

官取東坡中

第二平時有

聲如劉惔者

皆不預選放

榜後士論洵

下之賢才則亦足以樂乎此矣。軾七八歲時始知讀書。聞今天下有歐陽公者。其為人如古孟軻韓愈之徒。而又有梅公者。從之游而與之上下其議論。其后益壯。始能讀其文。詞想見其為人。意其飄然脫去世俗之樂而自樂其樂也。方學爲對偶聲律之文。求斗升之祿。自度無以進見于諸公之間。來京師。逾年未嘗窺其門。今年春。天下之士羣聚于禮部執事。與歐陽公實親試之。軾不自意。獲在第二。旣而聞之人執事愛其文。以爲有孟軻之風。而歐陽公亦以其能不爲世俗之文也。而取是。以在此。非左右爲之先容。非



河此書疑有  
為而上

此言已之樂  
處與上其往  
足以相樂相

自任不小

此本叙遇知  
已之樂未復

以樂乎斯道  
為梅公題通

篇不脫一樂  
字貫串意高

詞健

親舊為之請屬而向之十餘年間聞其名而不得見  
者一朝為知己退而思之人不可以苟富貴亦不可  
以徒貧賤有大賢而為其徒則亦足恃矣苟其僥一  
時之幸從車騎數十人使閭巷小民聚觀而贊嘆之  
亦何以易此樂也傳曰不怨天不尤人蓋優哉游哉  
可以卒歲執事名滿天下而位不過五品其容色溫  
而不怒其文章寬厚敦朴而無怨言此必有所樂乎  
斯道也軾願與聞焉

張以忠曰神情紆曲氣色嶙峋







物不可以苟合論

直架平鋪中  
自有老蘇風

下面段段發  
明其難不廢

四字意

把成敗得失  
合散平平說

去文勢甚跌  
宕細看來又

似以成敗得  
失喚起合散

意以題有苟  
合字面借客

形主法也

昔者聖人將欲有爲也。其始必先有所甚難。而其終也。至於久遠而不廢。其成之也難。故其敗之也不易。其得之也重。故其失之也不輕。其合之也遲。故其散之也不速。夫聖人之所爲。詳於其始者。非爲其始之不足以成。而憂其終之易失也。非爲其始之不足以合。而憂其終之易散也。天下之事。如是足以成矣。如是足以得矣。如是足以合矣。而必曰未也。又從而節文之。綢繆委曲而爲之表飾。是以至于今不廢。及其後世求



看他便是空  
中行全不着

鋪叙處如布  
陣勢部伍井  
然

惟其甚難所  
以不廢四段  
皆發此意

速成之功而勸于遲久。故其欲成也。止于其足以成。  
欲得也。止于其足以得。欲合也。止于其足以合。而其  
甚者。則又不能待其足。其始不詳。其終將不勝。樊鳴  
呼。此天下治亂享國長短之所從出歟。聖人之始制。  
爲君臣父子夫婦朋友也。坐而治政。奔走而執事。此  
足以爲君臣矣。聖人懼其相易。而至于相凌也。于是  
爲之車服采章。以別之。朝覲位著。以嚴之。名非不相  
聞也。而見必以贊。心非不相信也。而入必以籍。此所  
以久而不相易也。杖履以爲安。飲食以爲養。此足以  
爲父子矣。聖人懼其相褻。而至于相怨也。于是制爲



君臣父子夫  
類朋友四比  
填入格眼本  
是時論却能  
按經傳事情  
化腐爲新

肯綮在此四  
字下引藉用

朝夕首問之禮。左右佩服之飾。族居之爲歡。而異居  
以爲別。合食之爲樂。而異膳以爲尊。此所以久而不  
相褻也。生以居于室。死以塋于野。此足以爲夫婦矣。  
聖人懼其相狎。而至于相離也。于是先之以幣帛。重  
之以媒妁。不告千廟。而終身以爲妾。晝居于內。而君  
子問其疾。此所以久而不相狎也。安居以爲黨。急難  
以相救。此足以爲朋友矣。聖人懼其相瀆。而至于相  
侮也。于是戒其羣居遊嬉之樂。而嚴其射御飲食之  
節。足非不能行也。而待擯相之詔。禮口非不能言也。  
而待介紹之傳命。此所以久而不相瀆也。天下之禍。



白茅又為此四字之証

得此挽筆便

整齊

直至結尾說

極

至結末始露題

莫○大○于○苟○可○以○為○而○止○夫○苟○可○以○為○而○止○則○君○臣○之○  
相○凌○父○子○之○相○怨○夫○婦○之○相○離○朋○友○之○相○侮○久○矣○聖○  
人○憂○焉○是○故○多○為○之○飾○易○曰○藉○用○白○茅○無○咎○苟○錯○諸○  
地○而○可○矣○藉○用○之○茅○何○咎○之○有○此○古○之○聖○人○所○以○長○  
有○天○下○而○後○世○之○所○謂○迂○濶○也○又○曰○嗑○者○合○也○物○不○  
可○以○苟○合○故○受○之○以○賁○盡○矣○

姜 賁曰易以賁飾噬嗑而此論發出君臣父子夫

婦朋友苟合之弊故聖人制為之禮以飾

其合逐段引事來歷經典尤深得易之旨

張以忠曰至言精理極有閑涉此持世名文



刑賞忠厚之至

書祐二年歐  
文忠公知貢  
舉疾時文之  
詭異思有以  
救之梅聖俞  
時與其事得  
公刑賞論以  
示歐公歐公  
驚喜以為異  
人欲冠多士  
疑曾鞏所為  
鞏八門人也  
乃真第二復  
以春秋對義  
居第一以書  
謝諸公歐公  
見之以書語  
聖俞曰老夫

堯舜禹湯文武成康之際○何其愛民之深○憂民之切○而待天下以君子長者之道也○有一善從而賞之○又從而詠歌嗟嘆之○所以樂其始而勉其終○有一不善從而罰之○又從而哀矜懲創之○所以棄其舊而開其新○故其吁俞之聲○歡休慘戚○見於虞夏商周之書○成康既沒○穆王立而周道始衰○然猶命其臣呂侯而告之以祥刑○其言憂而不傷○威而不怒○慈愛而能斷○惻然有哀憐無辜之心○故孔子猶有取焉○傳曰○賞疑從與○所以廣恩也○罰疑從去○所以慎刑也○當堯之時○臯



當避此人放  
出一頭地士  
論洵洵久乃  
信服

皐陶無殺人  
事將來與舉  
縣事對映形  
容過真奇絕

因上疑字發  
揮一篇詞意  
精透  
至此又提仁  
義二字  
仁可過義不  
可過奇論

陶為士將殺人皐陶曰殺之三堯曰宥之三故天下  
畏皐陶執法之堅而樂堯用刑之寬四岳曰鯀可用  
堯曰不可鯀方命圯族既而曰試之何堯之不聽皐  
陶之殺人而從四岳之用鯀也然則聖人之意蓋亦  
可見矣書曰罪疑惟輕功疑惟重與其殺不辜寧失  
不經嗚呼盡之矣可以賞可以無賞賞之過乎仁可  
以罰可以無罰罰之過乎義過乎仁不失為君子過  
乎義則流而入於忍人故仁可過也義不可過也古  
者賞不以爵祿刑不以刀鋸賞以爵祿是賞之道行  
於爵祿之所加而不行於爵祿之所不加也刑以刀



應前

歸到仁字正  
見忠厚之至

末發夫子作  
春秋亦刑賞  
忠厚以繼堯  
舜禹湯文武  
之商可見一  
道之傳  
盡結似有餘未

鋸是刑之威施於刀鋸之所及而不施于刀鋸之所  
不及也先王知天下之善不勝賞而爵祿不足以勸  
也知天下之惡不勝刑而刀鋸不足以裁也是故疑  
則舉而歸之於仁以君子長者之道待天下使天下  
相率而歸於君子長者之道故曰忠厚之至也詩曰  
君子如祉亂庶遄已君子如怒亂庶遄沮夫君子之  
已亂豈有異術哉時其喜怒而無失乎仁而已矣春  
秋之義立法貴嚴而責人貴寬因其褒貶之義以制  
賞罰亦忠厚之至也

羅洪先曰莊子之文以無爲有東坡平生極熟此書



故其爲文駕虛行危惟意所到其論刑賞也曰殺之三宥之三故天下畏臯陶執法之堅而樂堯用刑之寬此等議論讀者皆如其所欲出推者莫知其所自來將無作有是古今議論之傑然者

張以忠曰藹然仁人之言

又曰波瀾相推徃徃層折



王者不治夷狄論

說大意起頭有力

此篇前面且

說春秋導中

國以疑本題

却方析入本

意議論出人

意表乃筆力

高處讀至末

後兩句解釋

盡矣

此下一段正

是為發難張

本間架亦本

原處

夷狄不可以中國之治治也。譬若禽獸然。求其大治。必至於大亂。句有氣力先王知其然是故。以不治治之。治之以不治者。乃所以深治之也。春秋書公會戎於潛。何休曰。王者不治夷狄。錄戎來者不拒。去者不追也。此是冒頭夫天下之至嚴而用法之至詳者。莫如春秋。凡春秋之書公書侯書字書名。其君得為諸侯。其臣得為大夫者。舉皆齊晉也。不然則齊晉之與國也。其書州書國書氏書人。其君不得為諸侯。其臣不得為大夫者。舉皆秦楚也。不然則秦楚之與國也。夫齊晉之



此段發難又  
為下段解釋

張本

揭齊晉秦楚

四國事反覆

三段如層密

聲障筆力甚

高

開鎖有力

君所以治其國家擁衛天子而愛養百姓者豈能盡如古法哉蓋亦出於詐力而參之以仁義是齊晉亦未能純為中國也秦楚者亦非皆貪冒無恥肆行而不顧也蓋亦有秉道行義之君焉是秦楚亦未至於純為夷狄也齊晉之君不能純為中國而春秋之所與者常在焉有善則汲汲而書之惟恐其不得聞於後世有過則多方而開赦之惟恐其不得為君子秦楚之君未至於純為夷狄而春秋之所不與者常在焉有善則累而後進有惡則畧而不錄以為不足錄也是非獨私於齊晉而偏疾於秦楚也以見中國之



此言春秋不與秦楚下二可應上純不純字幹下意

此數句聯合前後有千鈞之力

上說戎狄全無分解處人皆以為如是

重深絕不治處今乃出入意外而說我如此

彼自中國說入夷狄此自夷狄說入中國見以不治

不可以一日背夷狄之不可一日向也其不純者不足以寄其褒貶則其純者可知矣故曰天下之至嚴而用法之至詳者莫如春秋此是原夫戎者豈特如秦楚之流入於戎狄而已哉然而春秋書之曰公會戎于潛公無所貶而戎為可會是獨何歟夫戎之不能以會禮會公亦明矣此學者之所深疑而求其說也故曰王者不治夷狄錄戎來者不拒去者不追也夫以戎之不可以化誨懷服也彼其不悍然執兵以與我從事於邊鄙固亦幸矣又況知有所謂會者而欲行之是豈不足以深嘉其意乎不然將深責其禮彼



治之本意

結得無餘

將有所不堪而發其暴怒則其禍大矣仲尼深憂之故因其來而書之以會曰君是足矣是將以不治深治之也此是講題由是觀之春秋之疾戎狄者非疾純戎狄也疾其以中國而流入於戎狄者也

呂祖謙曰前面閒說長後正說甚短讀之全不覺長短蓋後面一句一轉故也

謝昉得曰此是東坡應制科程文六論中之一有冒頭有原題有講題有結尾

張以忠曰醇雅圓結最有體局



伊尹論

一篇眼目主  
意在大節二  
字議論高氣  
魄亦高可想  
見當日阿衡  
事業  
轉折處筆力  
甚高  
伊尹事功莫  
大于相湯又  
莫難于相大  
甲放之復之  
而人不疑其  
耕莘之節素  
取信于人故  
也論伊尹者  
無踰此篇

辨天下之大事者有天下之大節者也。立天下之大節者狹天下者也。夫以天下之大而不足以動其心。則天下之大節有不足立。而大事有不足辨者矣。今夫匹夫匹婦亦知廉潔忠信之爲美也。使其果潔廉而忠信。則其智慮未始不如王公大人之能也。唯其所爭者止於簞食豆羹。而簞食豆羹足以動其心。則宜其智慮之不出乎此也。簞食豆羹非其道不取。則一鄉之人莫敢以不正犯之矣。一鄉之人莫敢以不正犯之。而不能辨一鄉之事者。未之有也。推此而上。



簞食豆羹之積一鄉之推讓論驚入

戰論根子

說宰制天下如說是聞中事了無疑異是至理亦是確論

其不取者愈大。則其所辨者愈遠矣。讓天下與讓簞食豆羹無以異也。治天下與治一鄉亦無以異也。然而不能者有所蔽也。天下之富是簞食豆羹之積也。天下之大是一鄉之推也。非千金之子不能運千金之資。販夫販婦得一金而不知其所措。非智不若所居之卑也。孟子曰。伊尹耕於有莘之野。非其道也。非其義也。雖祿之以天下。弗受也。夫天下不能動其心。是故其才全。以其全才而制天下。是故臨大事而不亂。古之君子必有高世之行。非苟求爲異而已。卿相之位。千金之富。有所不屑。將以自廣其心。使窮達利



以爲禹臯陶

未擬伊尹見

得舜禹惟不

汲汲于富貴

有以大服天

下伊尹惟素

有不屑者足

以取信天下

雖讓與放異

而心一也

文法三疊放

下全得一鎖

今之君子苟

可以利已則

靡不爲矣天

害不能爲之芥蒂以全其才而欲有所爲耳後之君  
子蓋亦嘗有其志矣得失亂其中而榮辱奪其外是  
以役役至于老死而不暇亦足悲矣孔子叙書至于  
舜禹臯陶相讓之際蓋未嘗不太息也夫以朝廷之  
尊而行匹夫之讓孔子安取哉取其不汲汲于富貴  
有以大服天下之心焉耳夫太甲之廢天下未嘗有  
是而伊尹始行之天下不以爲驚以臣放君天下不  
以爲僭旣放而復立太甲不以爲專何則其素所不  
屑者足以取信于天下也彼其視天下眇然不足以  
動其心而豈忍以廢放其君求利也哉後之君子蹈



下何事可做  
故曰惟有守  
可以爲

常而習故惴惴焉懼不免于天下爲一希濶之行則  
天下羣起而誚之不知求其素而以爲古今之變時  
有所不可者亦已過矣夫

張以忠曰伊尹五就湯五就桀而又相湯伐桀而又  
放太甲而相之皆從古人止未有之事尹  
創爲之而無懼無沮蓋自信真而天下疑  
信弗計也後之君子內無以信心外無以  
信天下不識時宜而湯然思踵其轍未有  
不蹶者公此論蓋深痛夫拘常守故之儒  
而非謂君臣之際可憑臆而決也



以孔子作素  
入荀卿罪  
一篇綱目

氣調

過接處不費  
力  
拓開

# 荀卿論

嘗讀孔子世家。觀其言語文章。循循然莫不有規矩。不敢放言高論。言必稱先王。然後知聖人憂天下之深也。茫乎不知其畔岸。而非遠也。浩乎不知其津涯。而非深也。其所言者。匹夫匹婦之所共知。而所行者。聖人有所不能盡也。嗚呼。是亦足矣。使後世有能盡吾說者。雖爲聖人無難。而不能者。不失爲寡過而已矣。子路之勇。子貢之辯。冉有之智。此三者皆天下之所謂難能而可貴者也。然三子者。每不爲夫子之所悅。顏淵默然不見其所能。若無以異於衆人者。而夫



借此立論未必是聖人之意

李斯坑儒焚書出于荀卿此論前人未發

以異說高論四字立案

世與獨兩字

下得最好見

荀卿為異端

子亟稱之。且夫學聖人者。豈必其言之云哉。亦觀其意之所向而已。夫子以為後世必有不足行其說者矣。必有竊其說而為不義者矣。意主是故其言平易。正直。而不敢為非常可喜之論。要在於不可易也。昔者嘗怪李斯師荀卿。既而焚滅其書。盡變古先聖王之法。於其師之道。不啻若寇讐。及今觀荀卿之書。然後知李斯之所以事秦者。皆出於荀卿。而不足怪也。荀卿者。喜為異說。而不讓。敢為高論。而不顧者也。其言愚人之所驚。小人之所喜也。子思孟軻。世之所謂賢人君子也。荀卿獨曰。亂天下者。子思孟軻也。天下之



又接到李斯

警衆

應前獨字

又推到荀卿

婦過荀卿其  
文一字不可  
易

人如此其衆也。仁人義士如此其多也。荀卿獨曰。人性惡。桀紂性也。堯舜僞也。繇是觀之。意其爲人必也剛愎不遜。而自許大過彼李斯者。又特甚者耳。今夫小人之爲不善。猶必有所顧忌。是以夏商之亡。桀紂之殘暴。而先王之法度禮樂刑政。猶未至於絕滅。而不可考者。是桀紂猶有所存。而不敢盡廢也。彼李斯者。獨能奮然而不顧。焚燒夫子之六經。烹滅三代之諸侯。破壞周公之井田。此亦必有所恃者矣。彼見其師歷詆天下之賢人。以自是其愚。以爲古先聖王皆無足法者。不知荀卿特以快一時之論。而不自知其



喻警切

仍以孔子作結

禍之至於此也。其父殺人報讐。其子必且行劫。苟卿明王道。述禮樂。而李斯以其學亂天下。其高談異論。有以激之也。孔孟之論。未嘗異也。而天下卒無有及者。苟天下無有及者。則尚安以求異爲哉。

鍾惺曰。寫出千古來一執拘乖戾之人。皆爲荆公而發。

張以忠曰。深文峻筆。識調絕高。



秦始皇扶蘇論

秦始皇帝時趙高有罪蒙毅按之當死始皇赦而用之長子扶蘇好直諫上怒使北監蒙恬兵於上郡始皇東游會稽並海走琅邪少子胡亥李斯蒙毅趙高從道病使蒙毅還禱山川未及還上崩李斯趙高矯詔立胡亥殺扶蘇蒙恬蒙毅卒以亡秦

蘇子曰始皇制天下輕重之勢使內外相形以禁奸備亂者可謂密矣蒙恬將三十萬人威振北方扶蘇監其軍而蒙毅侍帷幄爲謀臣雖有大奸賊敢睥睨其間哉不幸道病禱祠山川尚有人也而遣蒙毅故



高斯得成其謀始皇之遣蒙毅毅見始皇病太子未立而去左右皆不可以言智雖然天之亡人國其禍敗必出於智所不及聖人爲天下不恃智以防亂恃吾無致亂之道耳始皇致亂之道在用趙高夫閹尹之禍如毒藥猛獸未有不裂肝碎首者也自書契以來惟東漢呂強後唐張承業二人號稱善良豈可望一二於千萬以徼必亡之禍哉然世主皆甘心而不悔如漢桓靈唐肅代猶不足深恠始皇漢宣皆英主亦湛於趙高恭顯之禍彼自以爲聰明人傑也奴僕熏腐之餘何能爲及其亡國亂朝乃與庸主不異吾



再發一難  
難處解處俱

屬國手

此正天之將

亡人國其禍

敗必出于智

之所不及處

東坡以秦法

之弊作斷見

得法弊于酷

以至如此

故表而出之以戒後世人主如始皇漢宣者或曰李  
斯佐始皇定天下不可謂不智扶蘇始皇子秦人戴  
之久矣陳勝假其名猶足以亂天下而蒙恬持重兵  
在外使二人不即受誅而復請之則斯高無遣類矣  
以斯之智而不慮此何哉蘇子曰嗚呼秦之失道有  
自來矣豈獨斯高之罪自商鞅變法以誅死為輕典  
以參夷為常法人臣狼顧脅息以得死為幸何暇復  
請方其法之行也求無不獲禁無不止鞅自以為軼  
堯舜而駕湯武矣及其出亡而無所舍然後知為法  
之弊夫豈獨鞅悔之秦亦悔之矣

形容商鞅之慘刻  
秦法之酷烈可謂



上面叙商鞅  
之變法始皇  
之好殺看此  
處解得甚好

不特文勢雄  
健議論亦至  
當

盡矣。荆軻之變，持兵者熟視始皇環柱而走而莫之救者，以法重故也。李斯之立胡亥，不復忌二人者，知威令之素行而臣子不敢復請也。答前段問二人之不敢復請，亦知始皇之驚悍而不可回也。豈料其偽也哉？周公曰：平易近民，民必歸之。孔子曰：有一言而終身行之，其恕矣乎？夫以忠恕為心，而以平易為政，則上易知，下易達。雖有賣國之奸，無所投其隙；倉卒之變，無自發焉。其令行禁止，蓋有不及商鞅者矣。而聖人終不以此易彼。蘇東坡作史評必有一段說萬世不可磨滅之理，使吾身生其人之時，居其人之位，遇其人之事，當如何處置？作此論妙法從老泉傳來。今人作場屋文，論當以此為法。凡議論好事，須



再說商鞅見  
得非平易忠  
恕之道

言秦之亡由  
于法令太嚴  
絕上意

千古快論

自始皇說入  
漢武意氣聯  
屬血脈渾剛

切証  
可為後世之  
戒

要一段反說凡議論不好事須要一段正  
說文勢亦圓活義見亦精微意味亦悠長  
鞅立信於徙木立威於棄灰刑其親戚師傳無惻容積威信之  
極以至始皇秦人視其君如雷電鬼神不可測識古  
者公族有罪三宥而後致刑今至使人矯殺其太子  
而不忌太子亦不敢請則威信之過也夫以法毒天  
下者未有不反中其身及其子孫皆是至人之言漢武始皇  
皆果於殺者也故其子如扶蘇之仁則寧死而不請  
如戾太子之悍則寧反而不訴知訴之必不察也戾  
太子豈欲反者哉計出於無聊也故為二君之子者  
有死與反而已李斯之智蓋足以知扶蘇之必不反



痛切

古今文統

也。答前設問。吾又表而出之以戒後世人主之果於殺者。

謝枋得曰此論主意有两說斯高矯詔立胡亥殺扶蘇蒙恬蒙毅其禍不在于蒙毅之去左右而在于始皇之用趙高後世人主用宦官者當以爲戒一說李斯趙高敢于矯詔殺扶蘇蒙恬而不憂二人之復請者其禍不在于斯高之亂而在于商鞅之變法始皇之好殺後世人主之果于殺者當以爲戒前一段說始皇罪在用趙高附入漢宣任恭顯事後一段說始皇之果于殺其禍反



及子孫附入漢武殺太子事此文法尤妙  
張以忠曰看破古今事局尋究原本理確論遂識正  
筆高至篇中頓挫跌宕變化圓活尤非他  
人思力所及







韓非論

起有含蓄所  
由出三字便

見原道德之

意

申韓原于道

德得此論始

透

仁義生于恩

恩生于人情

老莊遣去情

累無情之至

必然無思此

刑名之所以

用也

聖人之所為惡。夫異端盡力而排之者。非異端之能。亂天下而天下之亂。所由出也。昔周之衰。有老聃莊周列禦寇之徒。更為虛無淡泊之言。而治其猖狂浮游之說。紛紜顛倒而卒歸于無有。繇其道者。蕩然莫得其當。是以忘乎富貴之樂。而齊乎死生之分。此不得志于天下。高世遠舉之人。所以放心而無憂。雖非聖人之道。而其用意固亦無惡于天下。自昔周之衰至此。皆老莊之學。自老聃之死。百餘年。有商鞅韓非著書言治天下。無若刑名之賢。及秦用之。終于勝廣之亂。教化不足。



緊入

入老聃之罪  
爲下段張本

文詞粲然

此意從孟子  
論楊墨無父  
無君說來

接引到商韓  
筆妙

而法有餘。秦以不祀。而天下被其毒。後世之學者。知  
申韓之罪。而不知老聃莊周之使然。何者。仁義之道。  
起于夫婦父子兄弟相愛之間。而禮法刑政之原。出  
于君臣上下相忌之際。相愛則有所不忍。相忌則有  
所不敢。不敢與不忍之心合。而後聖人之道得存乎。  
其中。今老聃莊周論君臣父子之間。汎汎乎若萍游  
于江湖而適相值也。夫是以父不足愛。而君不足忌。  
不忌其君。不愛其父。則仁不足以懷義。不足以勸禮。  
樂不足以化。此四者皆不足用。而欲置天下于無有。  
夫無有豈誠足以治天下哉。商鞅韓非求爲其說。而



纏綿連轉反得透快

借此一翻便是深文手毀

意更完

事固有不相諱而相感者莊子之後其禍為申韓道理自是如此

不得得其所以輕天下而齊萬物之術是以敢為殘忍而無疑今夫不忍殺人而不足以為仁而仁亦不足以治民則是殺人不足以為不仁而不仁亦不足以亂天下如此則舉天下惟吾之所為刀鋸斧鉞何施而不可昔者夫子未嘗一日易其言雖天下之小物亦莫不有所畏今其視天下渺然若不足為者此其所以輕殺人歟太史遷曰申子卑卑施于名術韓子引繩墨切事情明是非其極慘覈少恩皆原于道德之意嘗讀而思之事固有不相謀而相感者莊老之後其禍為申韓繇三代之衰至于今凡所以亂



推廣以結之  
含不盡意

古  
今  
文  
綱  
卷  
三  
聖○人○之○道○者○其○弊○固○已○多○矣○而○未○知○其○所○終○奈○何○其○  
不○爲○之○所○也○

姜  
寶曰此論韓非之禍原于老莊卽是論李斯之

禍出于荀卿皆坡公衛道之文

張以忠曰深醇駿快



范增論

此是東坡海外文字一字

一句增減不得句句有法

字字盡心最

好處在方羽

殺卿子冠軍

時增與羽比

肩事義帝一

段當與晁錯

論並觀

文勢甚婉曲

若無陳涉之得民六句便

漢用陳平計間疎楚君臣。項羽疑范增與漢有私。稍奪其權。增大怒曰。天下事大定矣。君王自為之。願賜骸骨歸卒伍。歸未至彭城。疽發背死。蘇子曰。增之去善矣。不去羽必殺增。獨恨其不早耳。然則當以何事去增。勸羽殺沛公。羽不聽。終以此失天下。當於是去耶。曰。否。增之欲殺沛公。人臣之分也。羽之不殺。猶有君人之度也。增曷為以此去哉。易曰。知幾其神乎。詩曰。相彼雨雪。光集維霰。音線暴雪也。增之去當於羽殺卿子冠軍時也。陳涉之得民也。



接羽殺卿子  
冠軍一段則

文字直了少

曲折且義帝

之立一段一

直了惟有此

二段然後見

曲折妙法

一篇綱領

看二句文勢  
優游

于人所不見  
處生論

以項燕扶蘇項氏之興也以立楚懷王孫心而諸侯  
叛之也以弑義帝義帝命朱義為上將號曰卿子冠  
軍後為項羽所殺陳涉初起兵假  
楚將項燕秦太子扶蘇為名二人已死矣陳涉詐稱  
其尚在感動人心楚懷王入秦無罪而亡楚人憐之  
南公曰楚雖三戶亡秦必楚范增勸項梁求楚懷王  
孫名心者立以為楚懷王項羽尊懷王為義帝後  
陰使人且義帝之立增為謀主矣義帝之存亡豈獨  
弑義帝且義帝之立增之所與同禍福也未有義帝亡而  
為楚之盛衰亦增之所與同禍福也未有義帝亡而  
增獨能久存者也羽之殺卿子冠軍也是弑義帝之  
兆也其弑義帝則疑增之本也豈必待陳平哉物必  
先腐也而後蟲生之人必先疑也而後讒入之陳平  
雖智安能間無疑之主哉吾嘗論義帝天下之賢主



破秦起下項  
羽其殺宋義  
雖過然勢不  
辭已

氣滿意足

坡翁范增論  
始皇論是謫  
居僭耳時作  
詞修而意遠

也。獨遣沛公入關不遣項羽。識卿子冠軍於稠人之  
中而擢以為上將不賢而能如是乎。羽既矯殺卿子  
冠軍義帝必不能堪。非羽弑帝則帝殺羽不待智者  
而後知也。增始勸項梁立義帝諸侯以此服從中道  
而弑之。非增之意也。夫豈獨非其意將必力爭而不  
聽也不用其言而殺其所立羽之疑增必自是始矣。  
方羽殺卿子冠軍增與羽比肩而事義帝君臣之分  
未定也。為增計者力能誅羽則誅之不能則去之。豈  
不毅然大丈夫也哉。此一段最妙乃無中生有死中求活增年已七十  
合則留不合則去不以此時明去就之分而欲依羽



皆深思極情  
之文與少年  
制科論策不  
同乃知此翁  
節義愈老愈  
堅文章愈老  
愈精

以成功名。陋矣。雖然。增高帝之所畏也。增不去項羽。  
不亡。嗚呼。增亦人傑也哉。

結尾不貶  
盡范增

樓 昉曰。項羽殺宋義。便是要迫義帝弑義帝。便是

要去范增。蓋宋義是義帝所愛。義帝是范  
增所立。三人生死去就。最相關涉。推原得  
出筆力老健。無一箇閑字。此坡公海外文  
字故有老氣。

張以忠曰。精識奇思。情理曲合。

又曰。開闔起伏。暗自轉應。絕無痕跡。可以追尋。



留侯論

忍字是一篇  
主意謂于房  
木大勇之人  
惟年少氣剛  
不能涵養忍  
耐以就大功  
名如用力士  
提鐵鎚擊秦  
始皇之類皆  
不能忍父老  
之圯下始命  
之取履納履  
與之期五更  
相會數怒罵  
汪以折其不  
能忍之氣而  
教之也

古○之○所○謂○豪○傑○之○士○必○有○過○人○之○節○人○情○有○所○不○能○  
忍○者○匹○夫○見○辱○拔○劍○而○起○挺○身○而○鬪○此○不○足○為○勇○也○  
天○下○有○大○勇○者○卒○然○臨○之○而○不○驚○無○故○加○之○而○不○怒○  
此○其○所○以○挾○持○者○甚○大○而○其○志○甚○遠○也○法好句夫子房  
受○書○於○圯○上○之○老○人○也○其○事○甚○怪○當看漢書張良傳知此本末然  
亦○安○知○其○非○秦○之○世○有○隱○君○子○者○出○而○試○之○觀○其○所○  
以○微○見○其○意○者○皆○聖○賢○相○與○警○戒○之○義○而○世○不○察○以○  
為○鬼○物○亦○已○過○矣○且○其○意○不○在○書○當○韓○之○亡○秦○之○方○  
盛○也○以○刀○鋸○鼎○鑊○待○天○下○之○士○其○平○居○無○事○夷○滅○者○



此段俱是將  
無作有當取  
其法

使子房見之  
亦當心服

妙論

不可勝數。雖有賁育。無所獲施。夫持法大急者。其鋒  
不可犯。而其勢未可乘。子房不忍忿忿之心。以匹夫  
之力。而逞於一擊之間。當此之時。子房之不死者。其  
間不能容髮。蓋亦危矣。子房使力士提鐵鎚重三百斤。擊秦始皇於博浪沙中。誤  
中副車。始皇怒。大索天下。十日竟不獲。千金之子。不死於盜賊。何者。其  
身可愛。而盜賊之不足以死也。子房以蓋世之才。不  
為伊尹太公之謀。而特出於荊軻聶政之計。以僥倖  
於不死。此圯上老人所謂深惜者也是故。倨傲鮮腆  
而深折之。彼其能有所忍也。然後可以就大事故曰  
孺子可教也。此是老父墮履。橋下命子房取履。又命之納履。與子房期以五更相會。子橋上



翩翩筆力何  
人得到

此處又提前  
語重發明之

此是因擊始  
皇上起議論  
意思甚高義  
理亦正當

說得透徹

子房後至怒罵更與之約子房果至父老曰孺  
子可教也乃授之書蘇公卽此語以發明之楚莊

王伐鄭鄭伯肉袒牽羊以迎莊王曰其君能下人必

能信用其民矣遂舍之宣公十年勾踐之困於會稽而

歸臣妾於吳者三年而不勸勾踐爲吳所敗棲子會稽使大夫種行成于吳

吳王許之勾踐反國乃苦心焦思置膽于坐臥卽且  
仰膳飲食必嘗膽身日耕作夫人自織折節下賢

夫有報人之志而不能下人者是匹夫之剛也夫老

人者以爲子房才有餘而憂其度量之不足故深折

其少年剛銳之氣使之忍小忿而就大謀何則非有

平生之素卒然相遇於草野之間暗說圯上相遇而命以僕

妾之役暗說取履事油然而不恠者此固秦皇之所不能



萬派飛流注  
在一壑

因子房能忍  
又教得高祖  
能忍所以得  
天下此一段  
議論尤高

收得奇

驚而項籍之所不能忍也。觀夫高祖之所以勝項籍，之所以敗者在能忍與不能忍之間而已矣。項籍惟不能忍，是以百戰百勝而輕用其鋒。高祖忍之，養其全鋒而待其斃。此子房教之也。當淮陰破齊而欲自王，高祖發怒見於詞色。韓信請為假王，漢王大怒，張良、陳平躡漢王足，因附耳語。漢王悟立，繇是觀之，猶有剛強不能忍之氣。非子房信為齊王，其誰全之？引証太史公疑子房以為魁梧奇偉，而其狀貌乃如嫵人女子，不稱其志氣。嗚呼！此其所以為子房歟。

黃 震曰：東坡之文，長江大河，一瀉千里，至其渾浩



流轉曲折變化之妙則無復可以名狀蓋  
能文之士莫之能尚也而尤長于陳述叙  
事畱侯一論其立意超卓如此

唐順之曰一意反覆到底中間生枝生葉愈出愈奇  
張以忠曰雄健渾深神奇不測







晁錯論

此論先立冒頭然後入事

又是一格

老於世故明

於人情有憂

深思遠之智

有非難解紛

之勇不特文

章之工也

此篇前面引

入事諸皇帝

時雖名為治

平有七國之

變體製甚好

天下之患最不可為者名為治平無事而其實有不測之憂暗說景帝時諸侯強大削亦反不削亦反坐觀其變而不為之所則恐至于不可救起而強為之則天下狃於治平之安而不吾信惟仁人君子豪傑之士為能出身為天下犯大難以求成大功此固非勉強朞月之間而苟以求名者之所能也暗說晁錯削七國事天下治平暗說景帝時無故而發大難之端暗說削七國吾發之吾能收之然後有辭於天下暗說七事至而循循焉欲去之使它人任其責暗說晁錯欲使天子自將而已居守也則天下之禍必集於我此袁



於錯之不自盛所以進斬  
將處事綏立鼎錯之說

論

山東諸侯竝起以誅錯為名而天子不之察以錯為  
之說天下悲錯之以忠而受禍不知錯有以取之也

著堅忍不拔  
四字責鼎錯

伏後案後篇  
皆解此句

古之立大事者不惟有超世之才亦必

不能從容收  
功仍責徐字

有堅忍不拔之志昔禹之治水鑿龍門決大河而放

驛字便見錯  
所以取禍

之海方其功之未成也蓋亦有潰冒衝突可畏之患

用大禹事乃  
是學司馬相

惟能前知其當然事至不懼而徐為之圖是以得至

如難黃父老  
文

于成功夫以七國之強而驟削之其為變豈足恠哉

景帝怒錯錯  
之受禍果是

錯不於此時捐其身為天下當大難之衝而制吳楚

因此非假設  
之詞主意在

之命乃為自全之計欲使天子自將而已居守且夫



此

此段判斷最

錯之罪情理

悉合即錯閏

之亦必心服

高識遠見深

謀至論

固自全遂生

自禍兩字收

上錯有以取

之之意

發七國之難者誰乎已欲求其名安所逃其患以自  
 將之至危與居守之至安已為難首擇其至安而遺  
 天子以其至危此忠臣義士所以憤惋而不平者也  
 當此之時雖無袁盎錯亦未免于禍何者已欲居守  
 而使入主自將以情而言天子固已難之矣而重違  
 其議是以袁盎之說得行於其間使吳楚反錯以身  
 任其危日夜淬礪東向而待之使不至于累其君則  
 天子將恃之以為無恐雖有百盎可得而間哉嗟夫  
 世之君子欲求非常之功則無務為自全之計使錯  
 自將而討吳楚未必無功惟其欲自固其身而天子



結句最妙

不悅奸臣得以乘其隙錯之所以自全者乃其所以自禍歟

鄒

浩曰東坡之文若晁錯論以神氣爲主不以字

句爲工

張以忠曰已居守而天子自將景帝縱行其策亦有  
間之於外者卽錯自將而討吳楚亦必有  
間之於內者觀景德中澶淵之役寇公極  
天子俱行而猶懼讒講好成功之難固如  
是也後之君子其可不量時宜而毅然自  
行已意哉



續楚語論

屈到去芟柳子非之見非

國語書第六十二條柳子

自言作此書

以明大中之

道而後世有

話予者予無

憾焉而東坡

致之極當即

子厚亦當首

肯

闡左氏之說

要子厚之論

筆勢變化意

見反覆

屈到嗜芟

也

有疾召其宗老而屬之曰祭我必以芟

及祥宗老將薦芟屈建命去之君子曰不違而道

此原

是左氏

唐柳宗元非之曰屈子以禮之末忍絕其父

綱目

將死之言且禮有齋之日思其所樂思其所嗜子木

去芟安得為道甚矣柳子之陋也子木楚卿之賢者

也夫豈不知為人子之道事死如事生況於將死丁

寧之言棄而不用人情之所忍乎是必有大不忍於

此者而奪其情也夫死生之際聖人嚴之薨于路寢

見喪大記

不死于婦人之手至于結冠纓啓手足之末不



三引事重自  
處死

一鎖

若敖伯氏八  
世祖

句語填挫

此段以大不  
忍意破忍絕  
其父將死之  
言

敢不勉其於生死之變亦重矣。父子平日之言可以  
恩揜義。至于死生至嚴之際。豈容以私害公乎。曾子  
有疾。稱君子之所貴乎道者三。孟僖子卒。使其子學  
禮於仲尼。管仲病。勸威公去三豎。夫數君子之言。或  
主社稷。或勤於道德。或訓其子孫。雖所趨不同。然皆  
篤于大義。不私其躬也。如此。今赫赫楚國。若敖氏之  
賢。聞于諸侯。身為正卿。死不在民。而口腹是憂。其為  
陋亦甚矣。使子木行之。國人誦之。太史書之。天下後  
世不知夫子之賢。而惟陋是聞。子木其忍為此乎。故  
曰。是必有大不忍者。而奪其情也。然禮之所謂思其



此段以莫大之陋破恩其所樂意又引曾元宣子二事以美子木

兩引事重處君父之死

所樂思其所嗜。此言人子追思之道也。曾皙嗜羊炙而曾子不忍食。父沒而不能讀父之書。母沒而不能執母之器。皆人子之情自然也。豈待父母之命耶。今薦芟之事。若出于子。則可自其父命。則為陋耳。豈可以飲食之故。而成父莫大之陋乎。曾子寢疾。曾元難于易簣。曾子曰。君子之愛人也以德。細人之愛人也以姑息。見檀弓若以柳子之言為然是。曾元為孝子而童子顧禮之末。易簣於病革之中。為不仁之甚也。中行偃死。荀視不可含。范宣子盥而撫之。盥手而撫其尸曰。事吳敢不如事主。荀吳偃猶視。欒懷子曰。主苟終所不



只斷後一段  
意自竟完足  
且有筆力有  
闕鍵、  
收拾得好

嗣事于齊者有如河

時伐齊未成功故懷子  
指河爲誓必欲伐齊

乃瞋鳴

呼范宣子知事吳爲忠于主而不知報齊以成夫子

憂國之美其爲忠則大矣古人以愛惡比之美疾藥

石曰石猶生我疾之美者其毒滋多

左傳臧孫曰季  
孫之愛我疾疾

也孟孫之惡我藥石也美疾  
不如藥石夫石猶生我云云繇是觀之柳子之愛屈  
到是疾之美子木之違父命爲藥石也哉

唐順之曰逐句關鎖似諱辨體

張以忠曰崇言正論引據經典確不可易真足以彰

子木之賢而破柳州之說







